

նակը բաղմամբիւ զատ-զատ օրէնքներով սահմանում է տասանորդներ կամ որոշ տոկոսներ յօգուտ պետութեան:

Ու Հայաստանում չկայ մի արդիւնարեւութիւն, մի արհեստ, մի ձեռնարկ, մի խօսքով՝ մի գործողութիւն, որը արդիւնք է բերում եւ ենթակայ չէ տասանորդի կամ որոշ տուրքի՝ յօգուտ պետական զանձարանի: Բերքից տալիս են, առեւտրից տալիս են, հանքերից ու ջրերից տալիս են, արհեստանոցներից տալիս են, տուն շինողը տալիս է, հող գնողը տալիս է, ծառ տնկողը տալիս է, շէնք ունեցողը տալիս է:

Ներմուծուող ու արտահանուող ապրանքների մաքսերի մասին խօսք լինել չի կարող. նրանք ամէնքը ենթակայ են մաքսի: Միմիայն ոսկու, արծաթի, զէնքի ու զինամթերքի ներմուծումը, հասկանալի պատճառով, ազատ է մաքսից ու հարկից (նժգ, նի): Աւելի. ոսկի եւ արծաթ ներմուծողը «զտցի շնորհս ի տանէն հայոց» (նժգ):

Նոյն նիւթերի արտահանումը արգելուած է, զէնքինը ու զինամթերքինը՝ բացարձակապէս, իսկ ոսկունը եւ արծաթինը՝ սլայմանական: Ոսկի եւ արծաթ արտահանողը պարտաւոր է նախ՝ ներկայացնել երաշխաւոր եւ երկրորդ՝ 100-ին 130 ներմուծել 2 տարուան ընթացքում (նժգ): Իսկ եթէ մէկը կը ցանկանայ իր ոսկին ու արծաթը Հայաստանից դուրս տանել, նա պարտաւոր է 1/3-ը տալ հայոց տանը եւ մնացած 2/3-ը միայն տանել (ն):

Բոլոր հարկերը եւ մաքսերը տրուած են երկու ձեւով — ե՛ւ նիւթով, ե՛ւ դրամով (նիէ): Հարկերը հաւաքողը եւ նրանց համար անմիջական պատասխանատուն դաւառապետներն են (նիը): Հարկի ենթակայ են Հայաստանի բոլոր բնակիչները — ե՛ւ բնիկ, ե՛ւ օտարական, ե՛ւ մահմետական, ե՛ւ քրիստոնէայ, ե՛ւ ոչ-քրիստոնէայ (նիը): Օտարականը եթէ կամենայ թողնել Հայաստանը եւ հեռանալ, ազատ է, բայց միայն իր ունեցուածքի մէկ տասներորդը պիտի տայ հայոց տանը՝ մնացած ինը տասներորդը հետը տանել կարողանալու համար (նիը):

Յատկապէս մեծ տուրքեր են դրուած չըռայութեան առարկաների վրայ, որը ժամա-

նակի աղղեցութեամբ եւ պետական զանձարանն ի հաշիւ ունեւորների հարստացնելու ցանկութեամբ պէտք է բացատրել:

Նմուշի համար բերենք նախ՝ մի քանիսն այն յօդուածներից, որոնցով տասանորդն է սահմանուած, ապա՝ մի քանիսն էլ՝ չոսյութեան առարկաներից առնուող տոկոսների վերաբերող. —

1. «Ամենայն ծննդոց կենդանեաց, անասնոց եւ անբանից, ամենայն տարոյ ծնեցելոց, ի նմանէ հատուցանել տասանորդս» (Ժնք):
2. «Ամենայն սողնոց, թռչնոց ծննդոց հատուցանել տասանորդս» (նժգ):
3. «Ամենայն ծառոց, տնկոց, բուսոց բերմանէ տասանորդս (նժգ):
4. Ի բերմանէ որթանց արքիշուծին տասանորդս» (նժե):
5. «Ի անտառէ հատեալ փայտէ, կթեալ մեղր եւ մոմէ տասանորդս» (նժգ):

Այժմ միւտը. —

1. «Սարդի կօշիկ հազանողն հատուցէ տարէն երկու դրամ արծաթ, կանայք ազատ» (նիգ):
2. «Ձառ զօտիկ եւ զառ հաշիայ զգենողն տարէն տասն դահեկան, կանայք ազատ» (նիէ):
3. «Երծաթապատ դիւստօք ձի հեծնողն տարէն տասն դահեկան. ոսկապատն — քսան դահեկան, ակունքապատն — հարիւր դահեկան» (նիք, նլ, նլա):
4. «Հայելի մեծ, քան թէ մի կանդուն, պահողն տալիս է տարէն երկու դահեկան: Ապըլմէն խալու վրայ նստողն — հինգ դահեկան» (նլգ, նլէ):
5. «Մարմարէ հաւզ (աւազան) տան շինողն տարէն քսան դահ. : Սեաւ քարէ հաւզ — տարեկան հինգ դահեկան» (նլբ, նլգ):
6. Ամէն ոք, առանց որեւէ տուրք վճարելու, կարող է նստել մէկ ձիանի կառք, իսկ մէկից աւելի ձի ունեցող կառքի համար վճարուած է այսպէս. —  
«2 ձիով կառքին տարէն 10 դահ. երծաթ, 4 ձիով՝ 20 դ., 6 ձիով՝ 40 դ., 8 ձիով՝ 80 դ., 10 ձիով, որ միայն մայր դատաւորը եւ իշխանները կարող են ունենալ 160 դ., 12 ձիով,